

ესეების კონკურსის სატენდერო პირობები

კლასები და ენა

ესეების კონკურსში მონაწილეობას მიიღებენ აჭარის ავტონომიური რესპუბლიკის ადმინისტრაციულ ტერიტორიაზე არსებული საჯარო და კერძოს სკოლების X კლასის მოსწავლეები. კონკურსი ჩატარდება ინგლისურ ენაზე.

ვადები

კონკურსი ჩატარდება სამ ტურად. პირველი და მეორე ტურები ჩატარდება წერიტით, ხოლო მესამე ტური - პრეზენტაცია/გასაუბრების ფორმით.

ესეების კონკურსის პირველი და მეორე ტური ასევე, პრეზენტაცია/გასაუბრება უნდა ჩატარდეს **2023 წლის მარტი - ივნისის** თვეში (კონკრეტული თარიღები განისაზღვრება აჭარის ავტონომიური რესპუბლიკის განათლების, კულტურისა და სპორტის მინისტრის ინდივიდუალური ადმინისტრაციული - სამართლებრივი აქტით).

კონკურსის მეორე და მესამე ტურის ჩატარების ადგილი უნდა შეირჩეს სამინისტროსთან შეთანხმებით სამინისტროს მიერ განსაზღვრული პირობების გათვალისწინებით.

მომსახურება

1. ტენდერში გამარჯვებულმა კომპანიამ სამინისტროსთან ხელშეკრულების გაფორმებიდან არაუგვიანეს **7 კალენდარული დღისა** სამინისტროში შესათანხმებლად უნდა წარმოადგინოს: **კომისიის შემადგენლობა** (არანაკლებ 4 წევრი) შესაბამის კვალიფიკაციის დამადასტურებელ დოკუმენტებთან ერთად
 - უმაღლესი (მაგისტრის ან დოქტორის აკადემიური ხარისხი) განათლება;
 - ინგლისური ენის მასწავლებლად მუშაობის არანაკლებ სამწლიანი სამუშაო გამოცდილება ზოგადსაგანმანათლებლო დაწესებულებაში, საშუალო საფეხურზე;
 - ინგლისური ენის წამყვანი/მენტორი მასწავლებლის სტატუსი.
2. ტენდერში გამარჯვებულმა კომპანიამ სამინისტროსთან ხელშეკრულების გაფორმებიდან არაუგვიანეს **15 კალენდარული დღისა** სამინისტროში შესათანხმებლად უნდა წარმოადგინოს კომისიის მიერ განსაზღვრული:
 - ესეების კონკურსის პირველი და მეორე ტურის, ასევე, პრეზენტაცია/გასაუბრების თემატიკა, რამდენიმე ვარიანტი, ელექტრონული და ბეჭდური სახით.
 - სამივე ტურისათვის შეფასების კრიტერიუმები და შეფასების სქემა. კომისიის მიერ წინასწარ უნდა იქნას წარმოდგენილი შეფასების სქემა /რუბრიკა, სადაც მოცემული იქნება შეფასების ძირითადი კრიტერიუმები შინაარსისა (იდეა, აზრი) და ენობრივი მხარის (ლექსიკა, გრამატიკა, მართლწერა, პუნქტუაცია) გათვალისწინებით;
 - ესეში მაქსიმალურ სიტყვათა რაოდენობა;
 - დავალებათა, როგორც პირველი და მეორე ტურების ასევე, პრეზენტაცია/გასაუბრების შეფასების მაქსიმალური ქულა;
 - კონკურსანტის მიერ დავალების (პირველი და მეორე ტურის, ასევე მესამე - პრეზენტაცია/გასაუბრების) შესრულებისათვის გათვალისწინებული დროის ხანგრძლივობა;

ესეების კონკურსის თემატიკის შედგენისას გასათვალისწინებელი კრიტერიუმები:

- საკონკურსო თემატიკა გათვალისწინებული უნდა იქნას „ეროვნული სასწავლო გეგმის“ შესაბამისად;
- დავალების პირობა უნდა იყოს გრამატიკულად გამართული და მოსწავლისათვის გასაგები.

კონკურსანტის ნამუშევრის შეფასებისას:

პირველი და მეორე ტურის ნამუშევარი ესე ასევე, პრეზენტაცია/გასაუბრება უნდა შეფასდეს ტენდერში გამარჯვებული კომისიის მიერ წინასწარ შემუშავებული სქემის/რუბრიკის საშუალებით, სადაც მოცემული იქნება მისი შეფასების ძირითადი კრიტერიუმები შინაარსისა (იდეა, აზრი) და ენობრივი მხარის (ლექსიკა, გრამატიკა, მართლწერა, პუნქტუაცია) გათვალისწინებით.

ესეების კონკურსის ჩატარება

ესეების კონკურსი ჩატარდება სამ ტურად.

1. პირველი ტური

- კონკურსის პირველ ტურში მონაწილეობისათვის მოსწავლეების რეგისტრაციას, სამინისტროს მიერ დამტკიცებული ფორმის შესაბამისად უზრუნველყოფს შესაბამისი ზოგადსაგანმანათლებლო დაწესებულება;
- კონკურსის პირველი ტურის ჩატარებას უზრუნველყოფს ზოგადსაგანმანათლებლო დაწესებულება სამინისტროს მიერ მიწოდებული თემატიკის საფუძველზე;
- ზოგადსაგანმანათლებლო დაწესებულება შეაფასებს და სამინისტროს მიაწოდებს კონკურსის პირველი ტურის შედეგებს - შეფასებებს.

2. მეორე ტური

- მეორე ტური უნდა ჩატარდეს წერითი ფორმით. მეორე ტურში მონაწილეობას მიიღებს საშუალოდ 80 მოსწავლე;
- ტენდერში გამარჯვებულმა კომპანიამ მეორე ტურის ჩატარებამდე არაუგვიანეს 3 სამუშაო დღისა სამინისტროში უნდა წარმოადგინოს მეორე ტურის სამუშაო ფურცლები მატერიალური სახით.
- მეორე ტურის დამკვირვებელთა მონაცემები.
- მეორე ტურის სამუშაო ფურცლის ფორმატი/დიზაინი შეთანხმებული უნდა იყოს სამინისტროსთან.
- მეორე ტურის სამუშაო ფურცელი უნდა იყოს:
 - A3 ფორმატის თაბახის ფურცელი გაკეცილი A4 ზომაზე, სულ ოთხ გვერდიანი.
 - სამუშაო ფურცლის პირველ გვერდზე დატანილი უნდა იყოს კონკურსის ფერადი ლოგო და კონკურსანტის საიდენტიფიკაციო კოდი;
 - შიდა გვერდზე უნდა იყოს მითითებული კომისიის მიერ შერჩეული (სამინისტროსთან შეთანხმებული) ორი ესეს სათაური და შესრულების პირობა (მაგ. რამდენი სიტყვისგან უნდა შედგებოდეს ესე, შეფასების მაქ. ქულა, მუშაობის ხანგრძლივობა და სხვ.) კონკურსში მონაწილეს
 - ასევე, სამუშაო ფურცლის მეორე და მესამე გვერდი უნდა იყოს დახაზული.
- მეორე ტური უნდა ჩატარდეს ქ. ბათუმში სამინისტროს მიერ გამოყოფილ სივრცეში, რომელიც აღჭურვილია შესაბამისი ინვენტარით, გათბობით, სველი წერტილებით;

- საგამოცდო სივრცის მოწყობა მოეთხოვება ტენდერში გამარჯვებულ კომპანიას, რაშიც იგულისხმება: მოსწავლეთა რეგისტრაციისთვის გამოყოფილი სივრცის ორგანიზება, მოსწავლეთა რაოდენობაზე გათვლილი ინდივიდუალური მერხი და სკამის განლაგება, კალამი, ბანერები, დაყოფილი სივრცეების ორგანიზება, მიმართულების განმსაზღვრელი ნიშნების განთავსება;
- მეორე ტური უნდა მიმდინარეობდეს დამკვირვებელთა მეთვალყურეობის ქვეშ, 20 მოსწავლეზე უნდა იყოს 1 დამკვირვებელი. დამკვირვებელი არ შეიძლება იყოს ინგლისური ენის სპეციალისტი;
- კონკურსში მონაწილეების გადანაწილება უნდა მოხდეს წინასწარ შედგენილი სარეგისტრაციო ფორმების მიხედვით, გადანაწილება უნდა მოხდეს ორგანიზებულად, მონაწილეებმა რეგისტრაციის გავლისას უნდა მიიღონ ინფორმაცია სამუშაო აუდიტორიისა და სართულის შესახებ.
- მეორე ტური უნდა დაიწყოს განსაზღვრულ დროს, სამუშაო ფურცელი და სარეგისტრაციო ჟურნალები თითოეულ აუდიტორიაში უნდა შევიდეს დალუქული კონვერტით, რომელსაც იბარებს დამკვირვებელ(ებ)ი. დამკვირვებელი მონაწილეებს დეტალურად უხსნის კონკურსში მონაწილეობის წესს, განუსაზღვრავს დროს (შესაბამისად ყველა აუდიტორიაში უნდა იყოს გასწორებული საათი), მონაწილეების თვალწინ ხსნის დალუქულ კონვერტს და სარეგისტრაციო ჟურნალის. შესაბამისად, თითოეულ მონაწილეს გადასცემს მისთვის განკუთვნილ სამუშაო ფურცელს (სამუშაო ფურცელსა და სარეგისტრაციო ჟურნალში მონაწილის გასწვრივ ჩაწერილი უნიკალური კოდი უნდა ემთხვეოდეს ერთმანეთს). ტესტზე მუშაობის დროის ამოწურვის შემდგომ იბარებს კონკურსანტის ნამუშევარს. მოსწავლის მიერ სამუშაო ფურცლის მიღება და დაბრუნება უნდა დადასტურდეს ხელმოწერით. დამკვირვებელი პასუხისმგებელია ზოგადი დისციპლინისა და ოლიმპიადის წესების დაცვის უზრუნველყოფაზე;
- ტენდერში გამარჯვებული კომპანიის მიერ დაკომპლექტებული კომისიის წევრები მეორე ტურში მონაწილეთა ნამუშევრებს შეაფასებენ შესაბამისი ქულით, რასაც დაადასტურებენ ხელმოწერით.
- ტენდერში გამარჯვებულმა კომპანიამ მეორე ტურის ჩატარებიდან არაუგვიანეს 8 სამუშაო დღისა სამინისტროში უნდა წარმოადგინოს მეორე ტურის შედეგები ელექტრონული და მატერიალური სახით.

3. მესამე ტური

- პრეზენტაცია/გასაუბრება უნდა ჩატარდეს ქალაქ ბათუმში 5 ვარსკვლავიანი სასტუმროს საკონფერენციო დარბაზში; სასტუმროში უნდა იყოს მოწესრიგებული სამგზავრო ლიფტი და სველი წერტილები;
- დარბაზში უნდა იყოს შესაბამისი გათბობა/გაგრილება და განათება;
- ტრიბუნა, ეკრანი, პროექტორი, დისტანციური მიკროფონი, ლეპტოპი;
- კომისიის წევრებისათვის გათვალისწინებული უნდა იყოს მაგიდა და სკამები;
- დარბაზში უნდა იყოს განთავსებული მინიმუმ 50 სკამი;
- წყალი და ჭიქები 50 ადამიანზე;
- ტენდერში გამარჯვებული კომპანიის მიერ დაკომპლექტებულმა კომისიამ უნდა შეაფასოს კონკურსანტები წინასწარ დადგენილი შეფასების კრიტერიუმების გათვალისწინებით და გამოავლინოს გამარჯვებულები.

- ტენდერში გამარჯვებულმა კომპანიამ კონკურსის შედეგები არაუგვიანეს 2 სამუშაო დღისა მიაწოდოს სამინისტროს ელექტრონული და მატერიალური სახით.

პროცედურული დარღვევებისა და შეფასების შედეგების გასაჩივრება

1. კონკურსის პირველი ტურის პროცედურული დარღვევებისა და შედეგების თაობაზე წარმოშობილი პრეტენზიები და დავები განიხილება შესაბამისი რესურსცენტრის უფროსის ინდივიდუალური ადმინისტრაციულ-სამართლებრივი აქტით შექმნილი საპრეტენზიო კომისიის მიერ;
2. მეორე და მესამე ტურის - პრეზენტაცია/გასაუბრების პროცედურულ დარღვევებზე და შეფასების შედეგების თაობაზე წარმოშობილ დავებს განიხილავს ტენდერში გამარჯვებული კომპანიის მიერ დაკომპლექტებული კომისია.